


温州府志

ル 5
1571
20



門 八 205
號 1591
卷 20止

溫州府志卷之二十九

祥異

志列祥異猶史條五行匪是災瑞莫可考見也然有事在一方有司不以上聞柱下無從稽考則郡邑所書偏足以補史文之闕舊志自前代至

國初備矣今修葺踰八十年其間祥異故老無復能記憶者間有記憶某地嘗聞某瑞詢以年月又髣髴不能詳悉此亦熙熙皞皞之氣象歟史法疑者寧闕志祥異

晉

永平元年海溢

萬歷舊志

太元十七年六月颶風暴雨海溢

四縣人多溺死

萬歷舊志

太寧元年初立永嘉郡時方建

城有白鹿銜花遂名其城為白鹿城三年有白鹿銜

花止於安固之白巖山

萬歷舊志

六朝宋

元嘉二十年夏永嘉郡後池芙蓉二花一蒂

萬歷舊志

二十

一年十月己丑永嘉見黃龍自雲而下

宋書符瑞志

唐

顯慶元年秋七月海溢永嘉安固二縣損戶口四千餘

萬歷舊志

總章二年夏六月颶風暴雨海溢永嘉安固二

縣漂民居六千八百餘區溺死人九千七十餘戶

萬歷

舊文明元年七月大水

唐書五行志

開成四年饑

文獻通考

天

復二年有白鳥棲於安固之集雲山詔改安固為瑞

安

萬歷舊志

五代

後周永嘉西山南峯有紫芝生於錢令公墓側未幾吳

越王歸疆今其處名紫芝峯

萬歷舊志

宋

太平興國四年嘉禾九穗

宋史五行志

秋九月知州何士宗

獻嘉禾九穗圖

舊志

五年二月獻紫芝五木十月又獻

十本

宋史五
行志

六年瑞安縣解木五片皆有天下太平

四字

宋史五
行志

咸平三年大饑瑞安縣界竹生米實綿

亘山谷民採以食

萬曆
舊志

大中祥符元年四月獻瑞竹

圖十二月獻靈芝圖

宋史五
行志

嘉祐三年正月郡大火

燔屋萬四千間

宋史五
行志

治平二年八月永嘉颶風大

水州大火

萬曆舊志
按宋史綱目載治平三年
正月大火焚官舍民居萬四千間

熙寧

九年七月颶風大水

舊志

十年七月大風雨漂城樓官

舍

宋史五
行志

建炎三十二年大風壞屋覆舟

紹興二年戒福寺銅佛像頂珠自動光彩激射經日不

少停數日火作寺焚

宋史五
行志

三年饑

宋史五
行志

四年能

入城永嘉火

既江
逸志

十年十一月大火燔州學酤征船

等務縣泔及民居千餘

宋史五
行志

是年樂清東西隅火

萬曆
舊志

十六年大雷電震死六人於龍翔寺

宋史五
行志

十

九年饑

舊志

二十四年大饑

舊志

二十五年

冬十月朔有卿雲見於樂清縣東塔之上光耀五色

明年王十朋廷對第一

萬曆
舊志

二十二年秋七月颶風

大水

舊志

隆興元年饑

舊志

乾道元年饑

舊志

二年夏海門

有蛟出水長丈餘旣而塔頭隄門水引三口海上結

乳成錢有父老識之曰海將以錢鬻人也至八月十

七日颶風挾雨拔木飄屋夜潮入城四望如海四鼓

風回潮退浮屍蔽川存萬歷八月丁亥大風

海溢漂民廬鹽場龍湖寺覆舟溺死二萬餘人江濱

齒骼尙七千餘宋史五四年八月州大火舊五年夏

秋凡三大風水漂民廬壞田稼人畜溺死甚衆宋史

六年五月大水六月大旱宋史五九年久旱無苗

麥九月火經夕燔縣治毀民居七千餘家宋史五淳

熙六年夏水壞圩田樂清縣溺死者百餘人宋史五

七年秋貢院火是年試官八千人焚死者百餘萬歷

九年自五月至秋七月旱宋史五十二年八月火燔

城樓及四百餘家宋史五十六年秋螟宋史五紹興

二年三月大風雨雹田苗樹皆蕩盡瑞安壞屋殺人

宋史光五年八月大水宋史五慶元五年六月霖雨

至於八月漂民廬多溺死宋史五嘉泰四年九月平

陽縣火舊嘉定二年樂清不帆鄉麥雙穗禾重穎粟

一壘五穗遂改其鄉曰盛應萬歷八年五月至八月

大旱宋史五十四年蝨隘爲災宋史五紹定元年六

月郡大火燔六百餘家續文獻月燔五百餘家通寶

慶元年七月大水宋史五淳祐六年十一月郡東門

大火燔六百餘家續文獻嘉定五年紫芝之產于平陽

儒學舊咸淳六年瑞安樂清嘉禾異畝同穎宋史度

德祐元年十一月永嘉平陽大火三日不滅舊志

(元)

至元二年蝗元史五行志五年芝草生於郡城之松臺山狀

如連雲文彩煜然舊志十四年五月永嘉樂清瑞安三

縣皆大火舊志六月颶風大水舊志十五年大饑舊志二十

九年十一月大火次年正月又大火續文獻通攷元貞二

年大饑九月拱辰門火延燒城市大半續文獻通攷大德

元年七月十四日夜颶風暴雨海浪高二丈壞田四

萬四千餘畝屋二千餘續文獻通攷又元史五行

人延祐元年八月郡大火自拱辰門延燎大街東向

抵海壇華蓋山麓至瑞安門舊志按續文獻通攷作

日七年有紫芝生於樂清儒學大成殿舊志泰定元年

夏虹見九頭其色如血秋八月夜地震海溢四邑鄉

村居民漂蕩樂清尤甚舊志至正元年大饑舊志四年七

月颶風大作漂民居溺死人甚衆元史五行志按綱

九年大雪元史五行志十六年大風海舟皆吹上平陸高

坡二三十里續文獻通攷十七年六月癸酉有龍鬪於樂

清館頭江中火光如毬颶風急雨海水溢元史五行志

一年樂清瑞安二縣饑山谷間竹生實如穀民採以

食元史五行志二十二年秋八月大風海溢舊志二十七年

十月郡城焚燬大半舊志

明

洪武八年秋七月大風雨海溢永嘉樂清瑞安平陽沿

江居民多淹沒舊志永樂十年七月巳酉平陽縣獻嘉

禾百六十四本四穗者一本三穗者數本明實錄二十

一年旱大饑萬歷舊志宣德元年五月永嘉樂清二縣颶

風急雨自旦至暮壞廨宇倉庫祀豐壇廟明實錄景泰

初泰順縣鶴窠山產靈芝是年始立縣治舊志成化二

年正月平陽颶風暴雨山摧平地水高八尺舊志十六

年平陽有龍自海起拔神祠民居舊志宏治二年夏六

月永嘉平陽颶風暴雨摧屋折木舊志三年五縣大饑

七月平陽南鄉生嘉禾一本四穗舊志七年泰順鶴窠

山產靈芝舊志八年二月永嘉縣驟風暴雨大者如拳

小者如鷄子毀屋瓦凡禽獸果實苗麥俱損萬歷舊志十

二年四月樂清縣地震生白毛舊志正德元年十二月

地震有聲如雷地出白毛長者三四寸舊志三年泰順

大旱饑舊志五年永嘉縣大饑舊志七年樂清縣瑞應鄉

麥一本五穗六穗餘多三穗四穗舊志十二年四月永

嘉樂清二縣地大震生白毛萬歷舊志十三年二月泰順

縣大水壞民居萬歷舊志六月永嘉縣大水萬歷舊志嘉靖五

年大旱饑永嘉樂清瑞安三邑尤甚萬歷舊志八年八月

大風雨海溢舊志十年五月瑞安縣海潮至有光如炬

六月大火八月有黑龍從泥鼻起遍天發火傾屋拔

木不可勝紀舊志十一年七月二十四日泰順縣雨雹

大如拳萬歷舊志十三年七月旱八月颶風大作什温州

衛治及佛寺民居萬歷舊志二十四年大饑萬歷舊志二十五

年九月二十日五更瑞安縣天晴月朗海上閃色如

金片或曰此乃天花也其年必豐已而果然舊志二十

六年泰順縣火延燎官廨鼓樓及民居五百餘家萬歷

舊志二十八年冬平陽縣大火十二月朔瑞安縣有龍

自嘉嶼鄉起大雨雹擊死羽蟲無數萬歷舊志二十三年

正月瑞安雨雹九月永嘉大水舊志三十六年三月永

嘉地生白毛六月樂清慈竹山崩見石劍二七月白

虹見中大李用妻一乳二子舊志三十七年泰順七都

水井赤如血舊志四十五年正月一日夜分地震生白

毛萬歷舊志隆慶二年秋七月大風雨漂沿海民居田地

無筭萬歷舊志五年夏六月泰順縣二都水窟中有氣如

霧色赤舊志萬歷二年六月大風雨七晝夜永嘉沿溪

民多溺死瑞安縣山摧地裂壓入畜八月樂清縣大

雨城中水浸半壁萬歷舊志五年八月二十二日未刻日

色正烈忽然天鼓一聲五色俱聞舊志十九年秋八月

樂清海溢晚禾盡傷萬曆舊志二十年樂清十九都至二

十八都猛虎傷人至百數萬曆舊志二十一年樂清縣旱

大饑十月初五日有龍自寒坑經白溪入海雨雹大

如碗飛砂走石萬曆舊志二十二年夏六月朔樂清縣趙

應雲家乾井中火起如斗大升屋簷遍於庭若覆絳

紗踰時跨屋飛入雲中光燭數十里萬曆舊志三十二年

十一月九日地震有聲屋瓦有隕地者五邑皆然舊志

三十三年十月十四日地大震舊志四十二年秋七月

大雨平陽仙壇山崩舊志四十六年東方有白氣如匹

練循天數月始滅舊志四十七年夏永嘉海水暴長不

逾時而落鱗介之屬隻死盈路舊志天啓二年二月端

安縣落土如飛塵積瓦分許九月平陽縣火舊志崇正

四年四月大雨樂清西巖寺後山崩八月龍從永嘉

河中起循郡城南度松臺山飛石拔木壞城垣及民

居數十處舊志九年芝生樂清東塔梓潼帝君座前舊志

十二年九月烈日行天樂清山川壇側樟樹落雨數

日人以爲樹泣連年日晡時紅光燭天舊志甲申八月

十四日酉時瑞安有物如虹首若巨甕半天飛曳而

尾各長數丈自西南流入北方墜聲如雷十一月山

羊入郡城舊志

謹按舊志載明宏治十一年八月初九日已刻有大星自南移東後有光一帶長百丈餘將入海光分爲五聲若轟雷嘉靖五年七月二十四日初昏有星如月見於東方紅光燭天凡三日十二月十一日九日夜星隕如雨三十一年五月五日五更星赤色尾長拖青從西方飛過平陽嶺門前山墮海中其光燭天有聲如礮萬曆五年九月二十八日酉刻天西南見一星從下逆上光芒尺餘漸長數丈後數日移逆中天其影漸滅六年正月十八日夜東方月上赤色倏有三星大如西瓜上下搖曳忽又合作一星轉黑色復光長三丈餘逾時不見二十五年夏秋之交有星見西南光芒盈四五尺閱兩月乃滅天啟七年樂清縣有星大如斗光焰燭天墜地徐行其聲颯颯然踰時人海崇正十六年八月太白經天甲申正月日光孛盪十月太白經天乙酉五月平陽夜半有星大如斗聲如鐘自西而度東北而沒次晨天紅如血竊意星日之變非止一依關本志

國朝

順治三年七月日午天半有物色白大如箕白樂清之南方飛入北空中有聲如雷舊志七年正月五日酉時天裂東南紅光燭地移時始復舊志九年十月四日天雨綿狀如飛絮舊志十六年夏秋大疫舊志康熙四年七月永嘉瑞安各鄉山鳴聲如浪湧八月永嘉露凝樹枝其甘如蜜舊志六年三月虎入樂清城垣廬舍市可白毛舊志七年七月五日大風雨損壞城垣廬舍市可通舟八月永嘉地生白毛舊志九年三月五日樂清雨雹舊志十年七月二十九日大魚起永嘉江中其脊加

山兩日始伏舊志十一年七月二十九日永嘉有白龍

見雲端鱗甲朗然可觀閏七月十六日夜有虎入郡

城舊志十三年夏龍見舊志二十年春地震夏大旱至秋

九月郡城大火燦民舍五千餘家舊志二十一年二月

兩豆舊志二十八年泰順縣民林姓妻一產三男縣志三

十八年九月大水泰順縣志四十五六年大旱泰順縣志五十

一年大水泰順縣志六十年大饑奉文運米賑粥題咨雍

正二年大水浙江通志八年七月初一日暨二十一日兩

次雷雨玉環山衝開一河直通後坡浦口時玉環適

奉

旨展復興建城工轉運石料由新開河直達城下不勞人

力鉅工告成浙江通志十年正月初九日永嘉縣民李天

錫妻林氏一產三男浙江通志是年禾生黑蠅平陽縣志十一

年蟲災平陽縣志是年七月十四日颶風大作壞瑞安營

戰船沉溺官兵林逢春等奉文賑卹題咨乾隆二年

大水明年春奉文運米賑粥題咨六年海水溢沿江

田畝淹沒奉文賑卹題咨十五年蟲災九月大水奉

文賑卹題咨十六年大旱奉文賑粥題咨十八年旱

奉文給散籽粒二十年泰順縣竹實事實二十二年

瑞安縣民梁玉綸年百歲

賜上用緞二疋銀十兩給銀建坊顏曰昇平八瑞

題咨冊

温州府志卷之二十九終

温州府志卷之三十一

襍記

記何以襍志餘也事於各門無可附棄而不書則有其事實出正史或見稗官可為讀古者考論所藉又有一時偶異法戒炳然筆於志尾所以為輿地名宦人物藝文補缺正復不少依舊志擴而充之可備臨江掌故博雅君子或有取云

臨幸

舊志皆本宋史經緯紀傳補以他書事實今載於此

宋

建炎四年

正月丙午高宗舟次章安鎮甲子泊温州港丙寅次館頭戊辰幸福聖寺侍從臺諫稍集

二月己卯次江心寺訪人物於中丞趙鼎與薦吳表
 臣林季仲時季仲奉母避山中未至表臣先召對稱
 言即日除監察御史詔溫州守臣盧知原洽狀有聞
 日供億無闕擢右文殿修撰主官明道宮薛弼詩遷
 蹕入城因獻策請平直鬻官產上皆從之戊子詔東
 京萬壽觀永安軍會聖宮楊州章武殿神御於溫
 州天慶宮奉安庚寅移蹕溫州御駕自共北門入民
 家門首皆結綵焚香奉迎至永寧橋百官萬姓拜伏
 道傍山呼震地上停駕憫問至今名萬歲球儀衛由
 五馬新街至州治以州治為行宮譙樓為朝門州宅
 為宮禁扈從甚肅詔百官赴六參悉如舊儀溫州見
 任及寄居官隨班起是以崇德寺為都堂儒志坊張
 氏宅為州治知永嘉縣事霍籛請鬻水司沒官田宅
 充供億從之福建漕臣祖秀魯詹提刑梁澤民哀
 經費銀八萬兩以貢未幾諸路貢賦皆至父老言斥
 賣官產告訐刻奪不能無擾上以貢賦接續足用遂
 悉罷之丙申以敵退赦天下三月己未駕詣大慶宮
 謁辭九廟宰執百官扈從自渡江至是始有此禮庚
 申回鑾是月十八日也駕至上門帝問橋名守臣盧
 知原奏曰上安門名曰安定上大悅百官萬姓隨駕

至江次山平俯伏瞻戀垂泣上傳駕慰諭久之始登
 舟賜溫州行宮仍舊充州衙八月庚寅詔景靈宮神
 鄧令兩浙漕臣由海道奉迎至溫州奉安時駕在越
 川報准東邊警故有是命十月遣祠部郎鄭士彥護
 六廟神主奉安於開元寺二年正月守臣洪擬奏請
 遷祖廟神御於天慶宮從之是年駐蹕臨安五年大
 廟成遣太常少卿張泳迎神主至行在奉安十三年
 年景靈宮成遣官迎神御自溫州由陸至行在

德祐二年

二月益王焞王昀如溫州三月文天祥由
 通州泛海溫州以求二王閏二月宗正少卿

陸秀夫蘓劉義等聞二王在溫州遣人名陳宜中於
 青巖先是元年七月太后召陳宜中於溫州二年元
 伯顏軍舉亭山宜中遁歸青巖至是召之來謁復召
 張世傑於定海世傑亦以所部兵來溫至江心寺舊
 有高宗南幸時御座衆相率嬰座下奉益王為天下
 都元帥廣王副之發共除吏以圖興復會太皇太后
 召二王遷臨安宜中等沉其使於江中遂入閩夏五
 月文天祥自溫州至行都以國事皆決於陳宜中不
 肯拜相乃以樞密使同都督諸路軍馬招豪傑於江
 淮命杜清募兵於溫州景炎元年以李珣為浙東制

置守瑞
安府

記異

羅陽王

三國吳太元元年羅陽縣有神自稱王表周旋
民間語言飲食與人無異然不見其形又一婢
名紡績五月遣中書郎李崇賚輔國將軍羅陽王印
綬迎表表隨崇俱出與崇及所在郡邑令長談論崇
等無以易所歷山川輒遣紡績與其神相聞七月崇
與表至權於蒼龍門外為立第舍數遣近臣齋酒食
往表說水旱諸
小事往往有驗

湧泉觀音院

唐咸通間平陽白沙議建寺忽平地湧泉
脉通麥城山及寺成議塑觀音像忽一僧
至自來塑計工金三百緡像成而僧
不復見咸平間勅賜額湧泉觀音院

龍壽丹

宋元豐五年僧道親於瑞鹿院前逢老人自山
而下履木葉皆無聲呼僧與語授藥丸如彈曰
此萬歲藤膏熬成龍壽丹以金玉斲服可保二九
之數爾速至京進此藥道親至都詣省言狀執政異

而不納上聞命取之問所欲道親言老人但戒太歲
本命四六慎酒樂乞濟貧民及禁天下捕龜上命中
宮梁從政齋救至鴈山山以老人無所見乃於遇處焚
香致敬而返八年春上得疾皇太后得藥於睿思殿
進之乃上
手日封識

石柱嶽老翁

林靈素行於鄆之石柱見一老翁隨其後
靈素見石壁高峭因書云因循卻來到矚
海看波流白茲一變往何日更回眸靈素駐筆老翁
曰當守真官甚跡素曰汝何神也老翁曰吾崖下老
龍也因真官獨游吾境故來
護蒲就居巖下以助靈跡

龍湫尊者

紹興間婺人向氏游山夢一僧被金襴而不
見首晨起一父老引之游大龍湫既至失父
老所在視諸詎那尊者像傾地一如所夢遂為築室
塑像羣匠會食或歎山肴無肉哉有來鷺豨肉者其
去履崖石如平地
咸謂尊者變現云

窺鏡童

平陽獨嶼李氏子跌蕩不容於父遇方士攜之
東游不移時抵孝義鄉橋下辭不能進方士出

小鏡使窺之恍忽抵一山寺驚若夢覺

石太虛

元末瑞安道人於麥城拓地欲為棲真所夜半

友嚴無範言訖虎嘯猿啼寒風栗烈懼而下山後七

汲於溪月餘忽送一泉漸就盈溢因名曰靈源洪武

初僧德益自天河丁卯僧元則自莊嚴相繼來居而

彭庭堅

瑞安人為崇安尹廉萌仁恕斷獄如神一日視

歲祝之遣人踵其後至一處復跳伏如前

鼓妖

紹熙二年瑞安感應侯廟鼓自鳴後數日有巨寇

以旬日就戮蓋鼓妖云

周狀元

狀元周坦少孤貧一日牧牛失其牝懼撻不敢

橋所驚曰狀元在其下遂返又坦未第時坐于觀橋

市肆厲聲詬僕時有富春子孫君者少警異人授以

聖座星

梅大歇能出神一友亦善其術會丁祭乃其處

神畢集武士阿衛警蹕其友止門外不得前大歇術

稍高盡其法力濟至星門亦止矣遙聯座中一巨

道遙翁

卓敬年十三讀書寶香山中一夕夜歸遇暴風

讀書聲叩門一童應聲出曰先生知鄭君來使吾相

揖之翁起勞苦曰深山區區兩昏黑得毋驚乎敬曰此

吾晨昏之常但恐貽親憂得一燭尋歸路可矣翁笑

曰山中那得有燭耶君且燦衣敬起解衣問童子曰

翁為誰童子曰先生不欲人知名但稱道遙翁又問

道遙翁敢請翁曰吾世業醫隱中條山中後因避難
 聞陶隱居有丹室在此採藥南來結庵少憇不久亦
 還故山鄧君無用知也頃之衣乾敬乞歸翁曰郎君
 既不肯留吾有一牛可騎之昏夜泥淖當有所恃敬
 大喜即命少孤牽牛出復呼一童名少逸曰將吾舊
 籠來就籠中取出一僧帽謂敬曰既不能欸留敢以
 此為贈敬辭曰吾書生將期匡濟天下安得相戲翁
 曰第收之他日當自理會也敬堅卻翁再三歎息而
 已敬遙窺籠中悉繩補匠所用物及僧家衣鉢耳敬
 騎牛致謝而別及抵家人已就寢驚起問故敬具以
 告舉火將牽牛入忽抖擻咆哮化為黑虎逸去一室
 震駭比明訪體元山居不可得數日後於縣西四十
 里陶公景丹室故趾旁有一古廟彷彿雨後所經者
 壁有潘閻夏日宿西禪院詩筆墨猶新循其路歸見
 虎跡歷歷
 尚存焉

雨

玉清觀道士葉昌齡幼機警一日出行遇老叟引
 入巖壑中若仙洞然教以正一五雷之法遂豁悟
 正德末適郡大旱有薦葉善禱雨者守禮請之乃出
 登壇問曰欲城中雨乎守曰雨為苗願澍城外耳葉

乃以墨筆於紙上作一圈旁亂點如雨已而擲筆空
 中俄見白氣上衝雷雨大作城中僅僅飛灑而甘霖

治

鴈

景泰間樂清縣知縣周正嘗命耆民督修水利民
 苦其嚴據他事訟之周覽詞未畢忽一鷹從空下

龍

永嘉蒼山周氏女及笄未字汲水溪邊見一卵悅
 之取含於口不覺吞下遂有娠後產一白龍女驚
 死鄉人取其骸骨塑以泥藏置巖洞間旱則迎之祈
 雨嘉靖十三年大旱縣尹周琬禱弗應有繫獄者稱
 係龍母族裔獻議迎龍母渡江及抵山川壘俱霏微
 雨護送有從行者負旗先驅戒弗展衆望雨久強展
 之風雨頓作龍負雲起如白氣舞於空中噴噴有聲
 開元寺溫州衛治多拔仆惟山川壘龍母殿不動燭
 亦不滅雨傾蓋下不移時河

石羅漢

在雁蕩羅漢院相傳自漳州航海至遇樵人飛
 上巖腰化為石離地數十丈後有僧緣崖奉取

欲以供養羅漢下墜手膊微剝院之塘田應時坍塌其夜又自飛立崖上

鶴道士

平陽習覺寺有鶴巢於殿脊隣人探其卵既煮成雞飛翔永怪之登視其巢惟見一石旁有草永取置餅中一日有道士過之見草曰遍覓不得乃在此

卽撥入袖中

化鶴飛去

寒坑龍

雁山雙峯寺僧後可每誦經輒有老人侍聽問之答曰其寒坑龍也自今遇水旱有求必濟遂

不見衆仰視則已

來斯灘

在北門外仙溪昔有神人驅石之海祝曰蒼蒼爲牛鑿鑿爲羊牛羊來斯曰驪而驪石皆羣奔鞭

之流血既出谷遇老姥問之見吾羊否姥曰奔石也羊吾不知又問見吾牛否曰奔石也牛吾不知神人

曰惜爲汝道破因忽不見惟羣石存焉

金都尉

雁山石門潭內有龍井龍嘗爲患有金都尉者奉勅伐龍斷其尾龍拍山去都尉亦溺其二妹

追兄不及亦投水中乃敕都尉爲龍王并其妹廟食潭左山上

石魚

樂清法華寺初建時僧開山得石如魚扣之聲甚清越

銜花虎

法華寺僧鴻莒行業甚高誦經山中有虎銜花跪伏以獻

牛生善道

平陽縣初築垂陽埭屢築屢圯官用巫者言將以牛祭時有了與法師在萬全鄉牛竟銜

刀奔至師前逐者踵至師止其殺解袈裟付之曰若以置埭下埭自可固慎勿用牛已而果然牛放山中

師建塔院咒牛曰爾能練泥乎牛俯首就役塔成七日而牛死師曰此牛已生善道矣瘞之有香氣觸人

十餘日不散

聽經貓

平陽靈鷲寺僧妙智畜一貓每遇講經輒於座下伏聽一日貓死僧爲瘞之後瘞處忽生蓮花

衆發之花自貓口中出

彈子尖

在樂清瑞應鄉相傳王子晉煉丹山巔多碎石圓淨如彈子因名產硃砂有欲取者默不語以

米撒之即得否
則終不能得

觀音像

樂清洪珍妻張氏無子乃為妾祈男晝夜禮白衣觀音遂得子及張歿所常拭面巾中彷彿現

觀音像人以為異

遺事

宋附元

景炎元年以李珪守瑞安府郡人徐似孫自雲州倅還里珪辟入幕克參議官十月珪被召秀

王趙與釋代之時台處已相繼投拜元師十一月朔郡民告急秀王皆以為訛繩以法五日江北海後烟

焰互天猶指為野燒六日早濱海舉火距城一舍地光徹夜如晝步帥李世達始脅秀王棄城席捲帑藏

以逃夜半潰軍焚劫府治北門一境盡為煨燼有頃數騎東南來揭舟師元帥榜至似孫與參謀官家之

柄謀投降為全城計道逢先鋒二將一為之柄舊識一為似孫舊同官詢知行軍省官為左丞董阿刺罕

參政為宣撫呂文福也似孫等於八日抵龍灣詣軍前視舟師來海上者互數十里主帥哈喇斛駐馬沙

上甲仗甚蕭拜見退似孫具言城中事元帥即調軍由新建人南門拘違令劫城頭目九日省宮抵西郭

闔郡迎迓至坐富覽亭似孫等乞禁軍馬入城并請招安四邑悉從之令下省官亦駐西門外十日委官

封倉庫揀軍兵招集民戶十一日差之柄充安撫似孫副之曩家解充鎮守安撫

元附明

至正癸卯冬平陽州已先附於明至丁未歲是為吳元年時台郡已破十月二十二日大兵自

永嘉楠溪出過江到太平嶺方明善海舟數百艘具泊江次櫛比森列為泛海計二十五日明善遣其黨

夏狗鄭不花車英等出西門拒敵大兵夾擊悉殲之夏狗車英僅以身免明善懼甚二十六日始集溫父

老數十人欲納款狐疑未決其妻鮑氏裂絹為旗命吏書投拜二字幕賓陳德銘沮之遷延至午後父老

黃成夫夏道夫始得行至西門甕城內鮑與侃又沮之至申時方明善棄城遁登舟始開關黃成夫等至

總兵官帳前而先鋒已登陴矣溫民聞已往投拜俱家毀香案焚老潔衣巾候道左俄而兵集引刀亂砍

香案民猶列拜未敢遽退被傷甚眾至夜軍士燃燈檢括燼墜火起烈焰燭天如晝三鼓後令牌方下民

始敢出撲救二十七日烟埃眯目城市焚燬大半總兵官安撫居民給榜省諭各鄉村凡五日始定以瑞安州知州楊時敏權攝府事

蜀萬奴

元世祖十四年三月改瑞安府為温州路八月

視篆九月府尹嚴忠佑治中李處仁相繼至十月隣境山澤間絡繹有警會省府趣印德傳入觀嚴以護送為名脫去李處仁亦逃至括死於盜逾數日括之南日聞之桐山揭竿蠡起二十五日括寇攻集雲門西郭門萬奴調兵禦之互相殺傷是夜官兵縱燒城外為清野計二十六日寇復分隊攻永泰瑞安二門將士隨地接戰會征南舟師過海口萬奴亟遣飛稟請援哈刺解元帥部兵防遏寇乃宵遁二十七日元帥登思遠樓調帥府軍及鎮守軍分道竝進寇已遠遁平民多櫻其鋒及征南之舟既發萬奴領軍攜親屬登舟謀棄城去十一月朔寇又西窺桐嶺南駐白六日犯關萬奴軍船次強窺日隨潮上下寇屢射言挑戰元帥先鋒部亦次于石江口徐似孫等亟請前告急萬奴乃整戰船回泊城下俄而萬奴軍繼

入焚掠十四日元帥宣慰至江北似孫往見時萬奴已先往說元帥屠城以蓋棄城之過似孫以死爭元帥意稍釋十五日偕宣慰入城詰啓豐棄城之由及今安集之方似孫痛言歷歷家之柄亦自元帥府來問答如一十六早宣慰白元帥復命崔履謙覆實三說悉同萬奴又乞將在城民七十以上免死十五已下分隸餘者盡戮元帥意雖有定而安民榜未出十七日冬至叙賀萬奴復請似孫復爭元帥怒呵令萬奴退似孫因叩首謝乞給安民榜隨命李曹二經歷揭示民始得生十八日元帥遣軍馬追捕白塔餘寇復遣御珍鄭天叙招諭瑞安比至乃為禽擊支解於是重兵大舉兩邑遂破十五年正月嚴忠祐還府三月元帥自平邑坡南至飛雲渡回軍處分劉萬奴仍專鎮守慮邦民不安留冀權府兼治中相參勾當

寇警

晉

李耽 太平十五年八月永嘉人李耽舉兵反太守劉懷之討平之

孫恩張永

隆安三年妖賊孫恩起海上永嘉張永與會稽謝璠等入郡一時俱起殺長吏以應之永嘉太守謝逸遇害遣衛將軍謝琰與輔國將軍劉牢之擊恩走之

盧循

孫恩亡餘衆推循為王元興二年八月攻破永嘉時欲輯寧東士授循永嘉太守旋復攻掠劉裕討之至晉安循窘迫泛海

陳

陳寶應

天嘉四年陳寶應自海道寇永嘉詔護軍將軍章昭達進軍建安以討陳寶應信威將軍益州刺史余孝頃督永嘉諸軍東道會之

晉大寶

至德元年豐州刺史章大寶反攻分水嶺永嘉內史毛喜修治城隍嚴飭器械遣所部松陽令周磻領千人援之

隋

沈孝徹

開皇十年永嘉沈孝徹自稱大都督攻陷州縣詔上柱國內史令越國公楊素討之素私餘姚泛海趨永嘉破沈孝徹又擊走賊帥高智慧於永嘉智慧走泉州素尋以計縛斬之

唐

吳令光

天寶二載十一月壬午海賊吳令光寇永嘉郡三載四月南海太守劉巨鱗擊破海賊吳令光永嘉郡平閩

袁晁

乾元元年八月辛未台州人袁晁反十月己卯陷溫明二州十二月甲戌李光弼敗袁晁於衢州部將張伯儀功第一廣德元年四月庚辰李光弼奏生擒袁晁浙東州縣悉平二年十一月給復溫台明三州一年

仇甫

肅通元年浙東賊仇甫作亂觀察使鄭祗德討之兵敗乃以安南經畧使王式為觀察使發諸道兵討之甫黨攻溫州郡將龔將軍死之翁繇二將亦死未幾甫為王式所擒送京師八月己卯甫伏誅

王郢 乾符二年四月庚辰浙西突陣將王郢反由浙江
 寇沿海諸郡僖宗命十道兵討之郢兵至温境泰
 宣行營都將田居郢戰於象浦死之浙西節度使裴
 璩密招降其黨三年郢因温州刺史魯實請降至明
 州鎮遏使劉巨容
 射殺之餘黨悉平

朱褒 唐中和元年永嘉朱褒寇温州二年浙東觀察使
 劉漢宏招之因表奏褒為温州刺史時鍾季文守

明州盧約守處州蔣瓌守婺州杜雄守台州朱褒守
 温州褒兵最强故漢宏使治大艦習戰以史惠施堅

實韓公汶將其軍帝聞杭越擊戰遣中人焦居璠持
 節詔通好皆不奉詔光啓二年錢鏐率諸將攻越自

趨道山破公汶於曹娥隸與褒戰燒其艦進屯曹山
 實詣鏐降大順元年褒兄朱誕為温州刺史乾寧

二年四月褒卒兄朱勣自為温州刺史十二月癸巳
 温州將丁章逐其刺史朱勣計褒兄

弟交互據郡為刺史凡二十有二年
 盧約 天祐二年正月盧約陷温州初朱褒兄弟交互據

郡二十年天復二年四月朱褒卒其兄勣自稱刺

史十二月癸巳温將丁章逐朱勣三年正月丁章被
 誅至是遂為盧約所陷約係松陽賊以中和元年十
 一月陷處州遂為其州刺史至四
 年四月戊午温州復為錢鏐所陷

宋

方臘 宣和庚子方臘起帮原連陷杭歙婺郡明年春至
 遂昌州民望風奔遁郡守閻丘鶚倅江端本皆無

固志州學教授劉士英與館下生石礪白守倅募兵
 倡守差官分戶錄姓名時人心已離聞錄以為兵若

置死地士英與礪大呼於市條錢糧每日給米二升
 錢六十稍有應募者乃分城為八界每界以一官統

之各據界分守五人為一甲甲有首十甲為隊隊有
 長擇材勇者為之以士人為之副郡義士二十有八

人佐士英董其事三月二日兵集報賊臨處州士英
 白守倅戎服視師以作士氣戒眾以鳴鐘為期至是

鐘振兵皆集鉦鼓戈戟森列城上守倅乘馬登郭公
 山至望京門顧江城上下氣可吞賊時人心已定惟

慮錢穀不繼士英令石礪徧諭勸輸聚米二萬餘石
 錢十萬九千緡又造軍器一萬六千餘件塞城諸門

獨留瑞安望京集雲三門嚴民出入每入必手持巨石而後納又以城外無釣橋卒難防範編木為闌取齊城壁以時上下啓閉裹以鐵葉使類重門兩水門亦然又慮賊乘舟東下一日可到令石礪招致海船五十餘隻分屯梅畧白沙二處以北監巡簡凌霄蒲賊聞風七十餘日不敢東下至四月七日賊犯白沙鼓行而進士英礪謀口白沙失守前無控扼勢必渡溪由上戍迫吾城距城二十五里有天長嶺正賊來路請以官軍義勇踰嶺截之守倅姑息官軍不聽礪泣於庭持一日不決賊果以小船躡渡屯於上戍將至天長嶺士英復請分兵截之至夜州牒士英領義兵九百餘人偕鹿西門兩巡簡捍城西鄉十七日林紬兵不至士英遣鹿西巡簡領土軍及平陽瑞安二縣義勇至行春橋賊已過嶺焚劫賜舉去城不十里先鋒王玘等徑犯賊鋒連斬數十級既而前軍稍却王全死之士英還燒綠野橋賊至不得渡先是士英委德政鄉胥集競渡船防拒十九日賊犯思遠樓競渡船奮擊賊去復編竹為橋造樓下競渡船復出更遣勇敢掉輕舟為前鋒登岸火擊城上矢石俱發

賊擁退橋斷溺死不計郭兵出城襲之復斬數十級賊知城不可攻遂趨桐嶺瑞安守嚴甚不能進統制郭仲荀大兵適至遣將李振選輕銳躡之賊遂由故道遁還縉雲自三月朔戒嚴四月十九日賊退相持四十餘日平

俞道安

方寇甫退其黨俞道安嘯聚柘溪作亂教授劉士英仍率眾捍禦巡簡陳萃往捕死之賊遂陷

樂清七月十六日俞道安率賊眾十餘萬自樂清渡江犯龍灣時築新城初畢德政鄉兵已散南城無備統制郭仲荀護居民入城十七日先鋒張理同李振出南門迎敵渡壩接橋遇賊鋒銳甚理馬蹶墜死賊乘勢數路竝進振急斷車橋還保城中賊屯橋南仲荀守北門郡守閻丘鶚倅江端本守天慶宮添設倅吳正平守宜春門士英同振守南門以當賊銳其他寄居官分守餘地賊或攻城東或薄城北或乘舟往來江北巢穴總在城南以船載火燒水門持炬燒戰棚望樓火礪洞車雲梯竝設以攻南門城仲荀以水門雖置閘舟猶可逼於門外四丈許設暗椿兩行賊用船為暗椿所格城上矢石俱發乃退士英又慮賊

决城西及瞿嶼山各隄門乃於綠野行春二橋築二壩又於永泰瑞安二水門內亦作壩賊果决隄門城外河徒涉城內水溢如故賊屢以火攻城樓不效八月十六日台明州戰艦數百至外沙奪賊舟海道遂通賊分兵攻瑞安瑞令王公濟守禦甚飭鄉士夏祥領帆游清泉崇泰鄉兵守桐嶺賊至不敢進鄉士夏祥領退卻乃由間道踰繡娘山下攻褒力戰死之賊亦引還振嚴兵待之二十一夜四鼓賊果荷長梯負車礮乘火萬炬直逼城下士英麾眾矢石叢下戈矛並施賊多中傷達旦方退城下賊屍枕籍二十二日賊再集會統制姚平仲張思正收復樂清提兵自館頭來賊分兵奔江滸平仲望見賊鋒尙盛引兵入城二十三日賊跳梁大呼請較勝負是夜引遁由荆溪入處州境自七月十七日登城守禦至八月二十三日賊退凡三十六日至十月大兵四合殺俞道安於永寧山谷中擒呂師囊羣盜悉平

元

詹老鷄 至元二十五年春處州賊詹老鷄犯瑞安平陽界宣慰使哈喇斛元帥征之不血刃寇潰冬復集與尤山野等剽掠前倉江南等處路調王千戶行軍招討山野就戮老鷄尙屯梅溪前倉張巡簡導工千戶軍前驅陷陣張巡簡以計出之明年正月賊薄縣西山岡鄉民逃匿邑令佐率弓兵民禦之尋王千戶飭士卒與處越兵合會叅政高集領兵至南北夾擊斬首數百虺其皮以殉悉平

陳安國韓虎兒 至正十三年冬閩寇侵境闔帥吳世顯調兵守禦松山至平陽州攝州事卜顏

頗嚴毅戍卒有嚴小兒悍於市卜顏械以警衆韓虎兒等遂謀作亂推千戶所吏陳安國爲首衆議欲殺卜顏安國曰不可若城中皆知不得入矣衆然其計十二月十五日早猛雨如注冒雨抵瑞安江安國渡至中流爲詩曰天風掀浪如雷吼將軍渡江踏鰲首仗劍一嘯天地濶驚動海底蛟龍走暮至白巖橋侵曉至溫州南門旣入城卽詐爲紅巾吹唇呼嘯至府治逐同知王中都馬不及遂馳至吳帥世顯宅世顯聞變卽援弓挾矢出一卒抽刃斫之中額而死韓虎兒易名萬里與賊首十數人皆奪馬以乘揭布旗書

代天拯民為國除害時浙東僉憲王武在温州分司
 先一日青田義士蔣千錫領義兵數百方至遂至分
 司前與叛卒力戰死之叛卒遂入分司以竹輿昇王
 僉憲殉於道且脅其移文上言吳帥自刎死王武不
 得已悉從之數日後始得脫去回司乃自劾王同知
 等皆乞哀請命叛卒賒其死使復署事於是分布把
 守十處城門給令字帖稅戶借辦軍需明年甲午元
 旦叛卒據中席軍民官奔走聽命惟謹郡城內外居
 民財物子女隨索即與時浙省調都元帥恩寧普討
 叛抵栢聞兵變遂留不進韓虎兒等懼官兵且至謀
 大掠棄城泛海安國不可處州所都目李君祥乘小
 舟抵栢北門呼曰元帥在栢聞城為山寇所陷遣吾
 覘之今樓櫓如故乃知悞傳耳為吾啓關吾即入如
 關勿啓吾亦自回矣安國即命開關延於華蓋峯亭
 飲至暮酒酣握手歡甚君祥屏人潛以圖檄示之署
 安國為温州判官因撫其背曰汝亟誅同黨此男子
 轉禍為福之秋也安國驚喜即從之二更初安國領
 心腹兵上馳至來福門時韓虎兒已寢安國大呼曰
 李君祥遁矣亟起議事虎兒出斫其首至諸門皆然
 次日遣軍吏函虎兒等首赴栢叅謀胡琛令史俞溥

蔡守仁以舟至永嘉監邑的里翰給安國同舟住見
 遂被擒乃分捕餘黨二百餘皆梟以狗於是元帥
 恩寧普自栢至温州入城安民麾下義士皆授爵有
 差陳安國於市叛卒妻子家產悉籍沒入官恩寧普
 以功陞浙省參政初吳帥世顯被害子年十一女踰
 笄妻妾逃遁人勿敢納其館客皆匿之復壁中三閱
 月至是始出

方國珍

至正十年庚寅台州太平方國珍與其弟國璋

檄調萬戶府監軍哈喇不花本路監補帖木列思以
 海舟會集勦捕十二月二十八日早忽至外沙入
 鎮海門至竹馬坊放火變起倉猝官兵皆奔竄太
 左答納失里與僚屬俱立馬拱北門內良久有海運
 千戶吳世顯頗知戰事與千戶黑的兒拔弓矢馳至
 急啓關世顯躍馬先出手劍斬一寇於門側左守發
 矢連斃數寇皆倉惶登舟人心稍固明年辛卯正
 月三日賊知城中有備遂退船出港三月浙東副帥
 董博霄統舟師至遇賊舟兵皆潛赴水賊奪舟數百
 其勢愈熾秦不花往台州至冬乃招安又明年壬辰

春復叛秦不死死之國珍仍下海十四年甲午春復
 招安授國珍海道巡防萬戶十七年國珍遣部將李
 德孫來温十八年戊戌國珍遣至明善為省都鎮撫
 分據温州屯兵于佛寺松溪義士劉公寬團結清通
 鄉兵夜率眾襲于佛寺明善從開道脫去築天寧寺
 為營以居國璋及明善弟文舉繼至亦築淨居寺為
 砦時燕京大饑方以米艘往易官遂陞明善為浙省
 參政文舉陞行樞密院同僉自是方勢日熾雖朝拜
 亦莫能誰何每歲航米及貨物至燕交通權貴凡宣
 敕封贈隨意可得時有鄭子敬鄭天真天民以策干
 平陽守禦周嗣德弗月遂熾明善併平陽明參軍胡
 珠守括遣將提兵東下文舉遁入城平陽遂先歸於
 明及明兵取婺州遣使招諭國珍國珍以温台慶元
 三郡來降且質其子因授國珍江南行省平章事元
 亦授國珍淮南左丞相明太祖知其心持兩端以書
 責之并責其貢糧二十萬石不報遂遣國公湯和引
 兵自海道會參軍胡琛參將朱亮祖討之甲辰春大
 兵至城下明善捆載財物及妻子欲泛海而逃舟不
 得出港遂降國珍亦謁湯於軍門湯送國珍等建康
 上赦不問更以國珍為廣西行省左丞明善自戊戌

入據温州至丁未九十年云

明

葉丁香

洪武十四年八月温處衢三府山寇葉丁香吳
 連山等連結作亂命廷安侯唐勝宗右軍都督

僉事張德統兵討之明年正月賊平

劉香

崇正五年秋八月海寇劉香入寇舟進泊府城北
 門沿江南北盡被焚劫羅浮金龜羅福尤慘賊偵

永日營蕃富且各鄉皆重釐避入堡益悉力攻之眾
 扶覆舟載至下矢石不能為有數十賊賈勇而登
 守城人氣奪幾不能支把總上安國及壯士王欽吾
 黃一貞等十八人相殺賊眾志稍定安國等亦中彈
 死有武弁章吉之智勇善射堡推為謀士賊造七層
 高臺上列大礮下推輪盤古生令人各持長竿貫薪
 油於末候臺推至以火熱薪柱之臺燬礮發城上矢
 石並下賊死傷甚眾遂棄去圍城凡七晝夜城以全
 後數年劉香死其子改姓為
 金世正率眾來降授以把總

國朝

大鯨海寇

順治十五年海寇大鯨逼城男婦奔避城內

春謝包京借率施粥民賴以甦相拒

周家政

康熙三年海上偽宣署將

耿逆

康熙十三年耿逆叛變四月至平陽遊擊司定猷

偽將軍朱飛熊盤踞平邑潛師渡飛雲江攻瑞安不

下轉踰桐嶺溫鎮祖宏勳清副將楊春芳游擊魏萬

侯迎敵萬侯與其子棟俱戰死春芳退歸賊遂進屯

郡西山宏勳潛圖與謀六月朔集文武官於大觀亭

諸悍卒悉露刃巡道陳丹志知有變抗聲不屈與知

縣馬界俱被害賊遂入城脅迫剪藩加宏勳為安遠

將軍聚眾十萬往攻台州路出樂清城守蘓木代死

之賊乃長驅攻下嶸縣天台仙居等城時

康親王奉

命帶領旗兵討逆至杭州會議與貝子富騰塔分路征勦

王由衢州救閩貝子救護台溫自錢塘江飛渡紹興

進發一路轉戰而前所至克復賊乘夜拔營水陸南

遁貝子自甲寅十一月至台經年底定台州乙卯八

月初一日曾養性從水路逃回溫州獲江心寺僧體

印夾帶楊春芳書一封即將春芳及萬侯次子桂并

樂清用溫州府學生員夏聲字君周為鄉導發兵從

柘溪沿山至青田渡江抵溫界賊由上塘抵禦貝子

預於綠嶂地方之寶勝寺伏甲以待佯退至綠嶂賊

尾追中伏截殺賊首尾不相顧勢遂大潰養性聞報

乃造木城石城掘壕河拆民房為久守計貝子仍由

狀以悞賊之戰艘而大兵潛由溪口過平壤灘從白

溪一路踰天長嶺直至郡西山屯營於君子峯上前

軍市札萬丈平山貝子常到此直登山巔相度形勢

視郡城瞭如指掌令各旗安營日夜用大礮攻城賊

驚擾被傷者眾此皆生員夏聲計畫賊密偵知遣細

作捕提夏聲多方躲避且幸各百姓保護僅得身免

大兵屯駐日久貝子正圖進兵詎賊於康熙十五年

丙辰二月十七夜用埋伏計於二更時分潛師出三

角門水陸齊犯吾師投火燒着各處營盤貝子傳令
 合兵一處相機分路勦殺山上火光冲天黑夜如晝
 貝子登高瞭望見賊掠奪各營所有就用誘敵令被
 燒下營移踞上營謹守隘要各整鞍馬飽食候令逾
 時天明傳令兵馬齊出貝子親督大軍下山殺賊賊
 兵因無隊伍大敗尸橫遍野追至將軍橋灰橋等處
 屍其歸路賊不能過盡墮水中水為不流斬首二萬
 餘活擒賊將無數養性陸馬浮水逃入郡城堅守不
 出茲役也總兵陳世凱巡道姚啟聖知府王國泰知
 縣鄭廷俊等轉餉籌兵撫恤流離人心樂附至歌逆
 歸誠養性等俱於十月朔日薙
 髮回閩及滇閩平以反叛伏誅

劉天福黃炎 康熙十九年海上偽定北將軍劉
 天福黃炎等各率其舟師來歸

倭變

明

永樂十五年倭攻盤石城不克乃詐為疑兵夜綴燈
 籠船上潛師以搗樂清男女一時駢首受僇或併走

北山坑穴中追至無得免者後其地雨夜常聞鬼哭
 聲因名曰鬼洞坑朝廷以失機戮指揮千百戶二十
 餘人革其世襲 嘉靖八年四月倭劫樂清縣西門
 十一月倭登樂清頭邑人方輅乘高穀努拒之
 倭以數人登岸我兵先後者先望見即退卻倭遂益
 進輅居前不顧被擒賊恨之慘死詔卹其家命有司
 致祭旌曰義勇 二十五年倭劫鵝頭處州牟洪等
 拒戰勝之所首數十級縣為立昭義樓 三十一年
 三月倭登黃華勇士某等三十六人接戰死之勇士
 栢人驍雄甚衣栢甲用鐵搗與倭遇即前突之會滯
 霖不止甲濡又兵寡不能勝欲少退擇利顧橋已斷
 矣蓋土人畏倭以勇士委之也倭凡數百尾勇士勇
 士行自如如則舉擄反擊之倭走復來如是者數四
 終莫敢近勇士乃從埭渡埭崩栢人不善水遂沉水
 中倭從而射之良久死矣其後河上常聞鬼哭聲
 四月倭劫平陽麥城前倉掠男女復劫九都江口官
 兵與戰不利賊益恣遂至八都豐城巖頭由江口至
 塔下抵陽魯仕巷所在燒劫縣儒學初構幾燬二十
 日倭巨船二隻由瑞安港至永嘉一都長沙乘划舫
 將登岸鄉兵赴水格鬪既而王氏義兵亦集倭收衆

登舟去 五月初七日倭船十三隻抵瑞安東大浦登岸至十二都焚掠新城鄉兵以木棍擊殺數十人官軍大出合擊之賊勢窘值大雷雨乃退 十一日倭夜劫水坑壯士趙連搏戰死都御史王督次窰舉聞之怒杖殺守禦龐指揮 三十四年十月倭船泊南麂山至十一月踰將軍嶺至蘆浦從白沙至十六都北港麻園 閏十一月三日温州衛指揮祁嵩百戶劉敏領兵出哨渡溪未竟倭伏起突擊將士死者六十餘人 三十五年四月倭屯劫平陽水北同知黃鏞同把總領坑兵往禦倭蜂擁我兵披靡鏞持刀督戰竟遇害時四月二日後七日獲其屍殯之九月倭數千自柘溪出奪舟渡江至蒲洲登岸屯據龍灣分掠永嘉諸鄉兵併力禦之賊散去 十月倭由閩犯瑞安境守備劉隆指揮祁嵩死之 三十七年三月倭眾數下劫掠樂清窰魯芙蓉諸鄉百戶秦煌舍人魏履兼戰死遂登白馬攻後所尋攻縣城參將張鈇與同知尹尙孔禦之自辰至申倭始退庠士鄔世顯臨敵中創死官給祭葬扁曰忠勇仍承復其家南洋人吳詢吳芬與倭戰勝之鄉勇倪裴倪室倪戊等與倭戰於虹橋陣歿十五人鄉人立忠勇祠

祀之 四月初四日倭船一十七隻登瑞安梅頭前岡初五日倭八百餘攻海安所索篋笠銀兩眾軍發憤乘城扛巨石伺壓之倭肝腦俱糜又中石擊死倭傍徨引去初六日鄉紳王德同族伯沛率兵追勸倭已焚舟宵遁倭有船一舸乘風飄至眾疑為漁船不之備賊突來中衝兩隊隔絕浦與族弟崇堯崇修俱被害 十二日倭過樂清館頭燒劫遂逼盤石衛兵道袁祖庚在盤城督守加嚴城外焚掠殆盡 十六日倭夥自仙居楓林出奪舟於子石羅浮江濤徑渡外沙朱村浦登岸放火遂犯東門 十七日別有倭數十艘從金盤入關把關官兵不能禦又樂清縣西琴倭亦來會於盤石袁兵道令把總官率舟師捍禦舟大且兵不習戰倭奮擊俱殲溺大艦器械火藥盡為賊有逐乘勢犯府城屯據大南門外日磔人以示威府官恐附城房屋賊藉為巢令盡燬之四鄉逃命者千百至城下通判楊岳維上之給以湯餅 十八日風聞有奸細期放火為內應大索得異言人數輩捽殺之倭佯示攻城以牽制我師隨分隊劫掠鄉村雖深山僻壤畢到 十九日倭掠仙洋仙洋水鄉不通陸路謂可避裝載塞河倭乘輕舟橫截奮擊男

婦戮溺死者不可勝計其各處近山者逃匿山中倭
 縛被擄為嚮導徧搜之洞穴深邃燒烟薰之日經數
 度無得免者鄉長吳凌父子率鄉兵禦倭於陳畧
 二十日倭千餘由永嘉奪船過飛雲江屯十四都河
 頭燒劫盡平陽縣境惟五十都得免至五月十一日
 復渡江燒隆山塔寺山下及東山等處 二十三日
 倭分掠永嘉龍灣時袁兵道張參將俱在寧村所王
 鄉紳德往與會盟共擊賊德遂率鄉兵赴郡急至金
 畧遇害 五月五日倭出瑞安渡江至平陽縣東登
 仙壇山射矢入城燒劫南門及嶺門東西殆盡數日
 復燒東門 初十夜倭掩入寧村城時張參將自郡
 領兵至衆恃無恐防稍懈倭百餘梯城殺守宿軍士
 衆驚見張為亂鎗所中總旗黃廷富力贊張號衆殺
 賊賊見兵集放火救處旋滅黎明倉猝越城去多跌
 傷者斬獲十餘級 五月十二日倭始退初賊奪兵
 船數隻泊江口至是已滿載方有去意及參將戚繼
 光自台州提兵至諸賊已去僅遺一大船被擊焚溺
 頗多是歲倭以四月初入永嘉至五月望方去郡城
 戒嚴甚者凡二十餘日瑞平各縣及金鄉海安諸衛
 所各嬰城自守城外一任焚劫鄉間民房十燬八九

殺男婦以數萬計饑溺困病死者更多走避及逃
 為官軍殺取有功者亦不可數計有郡以來未經之
 慘 三十八年倭寇南北交集復至瑞安南門入南
 北兩港燒劫虜男女閩三月乃去 四月倭復登樂
 清西塔山參將張鈇率衆禦之射殺數賊相持至夜
 分乃退 十月十一日倭三千有奇自桐山來犯泰
 順境屯三魁十日殺人溪水為赤復至四都華峯古
 洪民居盡燬又屯莒岡二十餘日知縣區益把總梅
 魁等夾攻南遁於海 三十九年五月倭掠樂清沿
 江鄉民連樹率衆迎敵突入其陳奮擊大破之連殺
 數賊賊氣奪去樹身被數十創力竭亦歿樹貧無妻
 子每負重與其壽程力必贏穀五斗因號五斗穀及
 死官卹之金瘞之表其墓曰忠勇 四十年倭復至
 樂清庠士連應明戰死 四月十六日倭登劫瑞安
 梅頭前岡陳把總領義甲兵一千防守不固賊衝突
 殺兵士無數十九日瑞安城署縣通判楊岳登城
 督禦賊退燒永豐廂二十二日凌兵備及牛參將帶
 兵自海安所來遇賊大戰斬首四十級賊乘夜踏船
 遁去 四十二年三月十七日督撫趙炳然統都指
 揮晏繼芳把總胡震等率三關兵船會勦福建流江

倭船七十餘隻，初首數百級，救四處被劫子六百餘，自此倭患稍息。

番航

元

延祐四年六月十七日晚，有無舵小船一隻在永嘉縣海島中界山地名燕宮，飄流境內，有一十四人，五人穿青黃色服，九人並白衣，內一人攜帶小木刻字，長短不等，計三十五根，其上刻畫不成字樣，提挈葫蘆八枚，內俱有青黃白色，成串，確珠其人語言不辨，無通曉之人。本路彩畫人形船隻圖差，官將各人起解，浙江行省十月申書省，以聞奉旨，尋訪通曉語言之人詢問，得係海外婆羅公管下密牙台人民，凡六十餘人，乘大小二船欲往暹羅里，郎地西博易貨物，途遇大風，大船已壞，惟十四人乘駕小船，飄流至此。有旨命發往泉州，候有人往彼，帶回本國。五年冬，有倭船泊平陽州大鼻海濱，其人貌類中國，或戴尖巾，或禿為僧衣，及藍青花服，袖大而短，束帶佩刀，譯二人稱本國客商，五百餘人，齋金珠白布等物，駕船於

九月二十七日放洋，意投元國慶元路市舶司博易銅錢藥材香貨等項，不料十月七日海風飄蕩，至十五日至此，十一月十四日移泊瑞安飛雲渡，齋到拜見上位，及與浙省官亦皮甲大刀衣袋箱扇等物，隨即起解，繼奉上司明文，遵照舊例，前去慶元泊船貿易，內有倭僧平全珠齋到，隨身度牒，係彼國治部尙書所給，欲往廬山等處，尋訪馬祖遺跡，常遊鴈蕩天台，諸名山云。

明

洪武八年八月，有海舟至溫州港，衛府差官到舟，譯者黃宗起稱暹羅斛國王參列寶昆耶里哩哆囉祿，于六月初一日，恭遣正使，曾坤信副使，詔禮哆囉賚奉金文進，貢白象方物，前赴大明國朝，見撤差巴寫寶，招歐雷船裝載，過海，遭風飄至，遂移舟泊溫州城下，衛府差官送陸路，至行在其文，色雄象，命象奴于本府開元寺，喂養，內方物，苾布，西洋紅布，兜羅綿，被象牙，胡椒，黃蠟，降真香，燕木，至九年始回本國。宏治八年秋，有大艘為颶風所破，飄至平陽金鄉炎亭，出海陸路，官軍緝得，不死者二十餘人，皆纏布護

中裸跣毆右語音不可辨腰下或繫有螺絲銀者又得梳竿一林約五尺餘徑長約十餘丈合四大木成之中間長釘鱗密一釘或重至六七斤蓋萬剛鐵也極宜治劍梳木置金鄉衛廳下爨解上司中貴俾譯人審得貢方物狀然亦無明文可攷以紅船載赴京師

崇正五年有番船泊海口以桅舵損壞教人入內地覓料匠為守關兵船所覺強拽入港下其船艙底悉以金銀壓礎鎗內金寶貨物無算闔郡官皆以勘驗為名次第登舟一時官箴頓失理刑某見黃金為細條長二三寸許亂揣懷袖靴榻俱滿踣坐輿歸猶怏怏不足乘夜各官將貨物盡起入城跟役因而驟富發家者不知其幾一役得阿魏一器不識嗅之臭投之江一役得弄子一柵六早視之珠為之也以壞船報上司查詰數四彌縫而止船擱外沙浦未幾劉香入寇困城羣賊奔壞船破其水櫃下夾板中扛白金數萬去守城軍民徂梁遠瞭莫可如何或曰船內所裝即劉香物故突犯劫取償民間為地方劇禍云

國朝

康熙六十年六月有小舢為颶風飄至平陽金鄉洋面舶繫白藤編成似內地脚船內有番人三形長大鬚髮皆卷穿大袖長衣胸掛番字小木牌帶有菸葉捲葉銜口着火而喫縣解郡城道府彙報奉文譯審

護送歸國

乾隆十八年六月十二日溫鎮左營守備于南龍洋百盤獲番船一隻內有男女六五十二人并鎗劍鐵炮火藥米麥等物押護進口俟泊內港其人髮髻目圓睛綠色衣褲相連着衣時皆禪後將上衣背鈕無數帽用紅紗紬摺捲露頂一頂目手執一物似如意頭用金鑲有女年可十七八髮下垂足跣目亦微圓面粉膩倩美畧似中華少好女子至言語俱不通閱月廈門送到外夷通事賴祿譯知是干系曠國人名龍番教魯羅那分封屬國呂宋王下作判事官號亞里間麻油駐管泰賢世賴地其手所執是彼國王給與三品職銜憑據有文憑三紙隨身二是干系曠國王印文一是呂宋國王印文各畫其國王臉刻就用紙印刷五年任滿携帶眷屬回見呂宋國王不料

遇海遇大風約經百口飄至此時常夏秋風信不便
鎮道諭令將船內人口及器物搬移上岸暫住校士
館飛報大憲撥兵動怒給其食用并修葺船隻片
四月風順遣水師弁兵送到廈門令往販召宋商船
便帶歸國

佳話

井中魚

甌江逸志臥冰得魚此王太保通神之孝也乃
王梅溪大父格病篤思得鱖魚方盛暑不易致
梅溪父輔禱於井釣而得巨鱖進
父病旋愈時梅溪年一統見之

江沙漲

萬歷志咸淳間永嘉海壇嶺下江沙忽漲人以
為異時有童謡云海壇沙漲温州出相未幾陳
宜中大拜宣德間海壇沙復漲黃淮大
拜嘉靖初海壇沙復漲張孚敬大拜

霜華

萬歷志延祐七年十月樂清邱天祐構室作上
梁文告天是日寅刻人晴凡上霜華盡作松檜水
石之狀時以
為異有刻文

燭交花

靜志居詩話高則誠撰琵琶記填詞案燒雙燭
填至乞糠齣句云糠和米本一處飛雙燭花交

為一詢
異事也

王御史

甌江逸志永嘉王子孝諍隨其父鍊之任竹山
教諭其邑藍氏女夢有都御史來游園主人奇
其夢詰旦伺之乃子孝也即以
是女妻之後果至僉都御史

文星見

靜志居詩話洪武三年五月二十一日中書吏
部奉旨選天下教官入觀奉天門適太史奏文
星見帝親擢十八人俱為監察御史次日詣武樓下
賜袍帶二十五日之任臺官傳命賜宴永嘉許宏士
樂清李時可瑞安馬漢平陽孔希普
俱與選按明實錄載與選者十九人

科名前定

宋濂文集永嘉林溫生延祐丁巳八月八日
以春秋登至正辛巳江浙鄉闈試第一是科
董彞第四董朝宗第五朱公遷第二十八實殿榜後
榜中孔賜王孔文高祿卿潘如珪皆再薦後溫以恩
例任奉化州學正董彞亦為學正慶元交談之頃彞
慨然曰吾父嘗出應書大父得奇夢記諸籍云丁巳

年九月七日夜夢林温作魁朱姓人鎖榜第四第五人連姓董內四名用殊筆點云是售請舉者稽之於今無有不合其最異者温之生甫一月爾

巨蜂

萬歷志宣德癸丑春郡守何文淵進諸生講經於明倫堂自羣蜂擁三巨蜂飛集楹間聲如雷郡守

顧謂周旋曰羣蜂中有巨蜂為之主猶士林中有一儒為之領袖此來科狀元之兆耳明科周旋果狀元

第及

狀元前定

甌江逸志正統丙辰狀元周旋温之永嘉人楊文貞所取一甲三卷未决狀頭問同事有

識周旋儀表者否其人以面白豐美對遂以旋卷首晉及臚唱陛見貌寢甚衆論悵然蓋所問者周旋所答者淳安周瑄也此數之前定如此

得周邵

甌江逸志宋邵澤廷對日午未成一字有中貴人巡案見澤所磨墨甚佳意欲之邵即與弗吝

中貴曰上三日前御苑方建一亭名定一上謂若士人用此立說取為狀元邵得其說揮毫如飛中貴人

奏曰陛下三日前建定一亭臣竊見一士人用以立說上大喜搜求此卷得邵澤欲置首選時已取周坦為榜首羣臣賀曰陛下今日得周

邵于是澤為榜眼坦温之平陽人

王文定異徵

甌江逸志王璜謚文定初讀禮于開元寺僧舍有芙蓉五月盛開遂于宏治丙辰聯

科及第璜少貧販鹽為業值寒夜泊舟仙洋應氏之船枋主人有異夢欸留之妻以女後以榜眼歷官司成少宗伯應之物色亦奇矣

星學

甌江逸志順天蕭鳴鳳精於星學推算休咎如神言郡守以不職罷歸舟次遇比部張公璵即賜名

孚敬文忠公張素聞蕭術神試以已命叩之布算良久不言因問之曰祿命書從此可焚矣問何故蕭曰僕閱人多矣無不中者獨于僕與君而失之張曰何也曰僕自揣祿位應至方伯而今止于二千石觀君之命不出三年便當入相而君猶然郎署也豈吾術有未至耶遂別去張公入京僅三載以議大禮中上意遂大拜既貴憶蕭公言即起之十餘年果至方伯而卒

忠貞有後吳偉業卓海幢墓表卓忠貞敬靖難不屈死與方正學俱夷族其子孫有脫者流寓仁和從外家之姓曰宋氏萬歷中鴻臚寺卓文炎忠貞七世孫也始以仕顯復其姓人迺知忠貞有後矣鴻臚公生禹禹之從兄弟曰爾康曰發之俱以文負重名知交傾東南仁和之卓始大

補息園閒識

東甌王最壽

按史記封禪書越人勇之言昔東甌王敬卜始用是時兩越已滅矣東越傳于騶搖孝惠三年立為東海王都東甌之後即曰後數世至孝景三年云云是搖于呂后稱制孝文初立時已卒傳子孫皆失其名故概以數世二字也然則搖當從諸侯入秦時蓋已百有數十歲乎哉越人勇之因武帝求仙乃言敬鬼得壽本屬荒誕但騶搖長命人所共傳故可借以為驗且以魏文侯樂工竇公例之安見搖不實有此年歟

名宦古蹟載王右軍

按晉書本傳不言右軍嘗守永嘉而舊志承宋明數修之後紀載鑿

鑿想傳聞已久宋時必有他書可証也即如人物中東漢有蔡敬則唐初有葉一元唐末有吳甌亭皆無攷但葉水心集已詳叙本末豈其但憑傳聞乎且仍舊志

溫嶺溫州以地氣和暖溫嶺以南與北不同得名其嶺自前明已屬黃巖縣界內不屬樂清今樂清東北與黃巖連界者乃嶺以南之盤嶺也

儒學之盛

溫士在程門下一人周行已許景衡劉安節安上戴述鮑若雨沈躬行謝佃潘旻陳經正及經正弟經邦經德經郭實十三人在朱門十二人周端朝葉味道陳壇戴蒙林武錢木之徐寓徐容沈調蔣致蒙包定及好顯道敏道詳道平陽志有林湜蔡惠實十六人南軒門一人周去非也溫亦自有學始于土景山林石最盛者曰薛季宣鄭伯熊陳傅良三葉適益羅宋史儒林傳一卷中薛陳葉及蔡幼學戴溪有五人焉自宋及元諸儒傳業皆有著述盛矣

九先生六君子

溫士馳名太學者元豐有九先生周許二劉沈蔣及戴述趙霄張輝也寶祐六

君子陳宜中黃鏞劉敞林則祖陳宗魯唯也名見宜中本傳景定三年皆舉進士以志核之惟宜中劉敞與林則祖實為一人餘莫可攷又按宋史蕭振初入太學為三賢之一在宜中亦多善政後人不以為賢豈不以依附奸楡雖無顯惡前不可以繼忤王呂章蔡之九人後不可以同劾丁大全之六子乎哉士貴氣節即此亦足勸戒矣

修志不無遺漏

考古較酌之稍易以有書可徵也不知其官名宦時有遺失如袁燾知温州舒璘知平陽既闕宗臨幸竭力効忠志並不錄楊簡雖錄又不如本傳之詳此類豈可勝計乎今悉從正史補入然不敢云事加精核蓋深有望于後之執筆者

熙寧九年狀元徐鐸

舊志于選舉不錄于人物曰平陽人蓋本籍非平陽因其後居東關

科名之盛

溫至南宋科名甚盛一年至數十人兄弟同舉狀元得五人紹興丁丑樂清王十朋隆興癸未永嘉大寺周嘉定辛未永嘉趙建大嘉熙戊戌平陽周世淳祐辛丑平陽徐儼夫也武科亦得十人平陽極盛紹興陳鰲陳鵠乾道丙戌蔡必勝淳熙丁未黃衷然紹熙林管端平朱熹淳祐章夢飛咸淳翁楞林時中惟景定蔡起辛為瑞安人

武三元

明代三元惟商文毅一人溫則有武三元永嘉王名世萬歷丁酉順天鄉試戊戌會試廷試皆

平陽學扁字

宋時遷學扁扁有異人謂學字子文裂邑當有大魁嘉熙周坦第狀元淳祐再裂

賢母

樂清劉敞入太學以劾丁大全送南安軍安置歸別其母解氏解氏曰為臣死忠以直被貶宜也汝速行嚴至南安輯瘡洛論語十卷事見宋史本傳賢如解氏與范滂母何異焉

玉環亦有古蹟

宋崇寧時樂潛林幹不事舉業閉門著書居木榴山著淵通西十八篇覃思一

八篇邑令鮑輝見幹草衣木質始知為遁世士益尊事之按樂清縣志無木榴山惟玉環舊名木陋嶼

見太平寰宇記呵咿榴音相近王梅溪詩榴嶼何年改玉環可証也幹以避世遠居海中蓄于玉環古蹟

下補

註

林處士東湖樵夫

宋陵拾散林處士事與唐處士同溫紹興志並載俱有他書可証是以論

古者竝存但林購得理宗顱骨事至明初始著不如唐之貴也請難時草莽之臣死義不傳名姓者台與

溫善有東湖樵夫地名同御業又同兩志在明正德以意八語善是時猶為永樂詩必非誤也明史亦竝

存

之

詞曲感人

舊志瑞安高明字則誠元未寓鄞之櫟社以詞曲自娛感劉後村蒲城都唱蔡中郎句作

琵琶記明太祖聞其名召用辭疾不赴使者以是記上太祖覽之曰四書五經在民間譬之五穀不可無

也此如肴羞俎豆間亦不可少

貞義書院聖旨

萬歷志在永嘉五都姚溪張孚敬未第時讀書于此及入相嘉靖七年具奏奉

聖旨卿所奏足見篤學以勉就後來之意書院名與做貞義堂名更做抱忠仍着彼處有司就書院中蓋

敬一亭一座以置朕之五箴抱忠堂門等處或有損壞亦與修葺完日具奏

世家

宋時永嘉之薛吳周戴王宋瑞安之蔡曹平陽陳林貴盛無比幾與宗室趙氏同樂清則王氏父子

也明則永嘉王文定瓚子郎中挺孫少卿健樂清章恭毅綸子布政元應族子元梅綸曾孫朝鳳侯僉事

廷訓子布政一元孫知廣州府傅邦曾孫知漳州府應賓永嘉王激王澈兄弟激子副使叔果叅政叔杲

從子僉事德數

世皆有名人

附錄 甌中紀逸

甌居海中

山海經甌居海中郭璞傳曰今臨海永寧縣即東甌在岐海中

斲琴寄吳興

吹臺山下有飛泉怪石倚梧竹篠梁邱遲為永嘉守嘗下是山斲琴寄吳興守柳渾并寄以詩云邊山此佳樹搖影出雲垂清心有素體直幹無曲枝凡耳非所別君子特見知不辭去根本造膝仰光儀

石門

石門山一在括蒼一在永嘉謝康樂石門詩則指永嘉者蓋詩中寫景與永嘉相肖括蒼瀑布最勝詩中不及之此一証也再攷郡志雷宋時永嘉郡只領永寧安固樂成橫陽縣至隋初始廢永嘉郡置處州改括州後改永嘉郡而以括蒼等縣屬焉李白詩康樂上官去永嘉遊石門江亭有孤嶼千載蹟猶存今石門與孤嶼相望又一証也

咏使君一絕可謂破天荒

秦再思記異錄温州朱使君有一妓善胡琴忽亡追悼之以詩曰翬飛寥廓歸泉只住人間十八年昨日施僧裙帶上斷腸猶繫琵琶絃三體唐詩作温州刺史朱褒詩按志唐僖宗時永嘉朱褒據温州浙東觀察使劉漢宏招之因表奏褒為温州刺史杜荀鶴贈詩

曰永嘉為郡昔推名連屬君家翁與兄教化盡歸龔渤海文章高出謝宣城是也吾永嘉自唐三百年無一詩可傳僅此朱使君一絕可謂破天荒矣

林景熙忠義氣槩

胡應麟詩藪宋亡入元景熙不仕遺集二卷其戀戀宗國之意未嘗頃刻捨也五言律如烟深凝碧樹草沒景陽鐘七言如衣冠洛社浮雲散弓劍橋山落日移鶴歸尚覺遼城是鵲老空聞蜀道難雖不脫晚宋亦自精警忠義氣槩落落簡編有足多者

冬青行非唐詩

胡應麟曰景熙收二帝遺骨或謂唐玉唐作則不然其詩在林集與他歌行絕類蓋二家同有此舉遂以林作附會于唐耳

李五峯風致

詩藪李孝光古詩歌行豪邁奇逸如驚蛇跳駿不避危險當時語云前有虞范後有楊李楊廉夫也至近體多澁拘短長得失正與楊同大槩視前人瑰奇過之雅正則遠遜按胡君此評甚當李居雁山五峯下號五峯其湖山八景詩及雁山十記竝佳又有一絕云西風烏帽鬢髮拂袖長吟

倚暮酣得句不衝京兆尹蹇
驢行遍大江南風致可見

才士涉學

胡元瑞曰高則誠在勝國詞人中似能以詩
文自見者徒以傳奇故沒之同時盧摯處道

亦東甌人樂府聲價亦正與高埒而製作弗傳世遂
以盧為文上高為詞人信有幸有不幸也又云高律

詩尚散見元人選中如題岳墳采蓮曲等篇雖格不
若琵琶諸引亦多近宋

蓋勝國才士涉學者

畧舉一隅

永嘉山水名區英賢接踵獨藝林勝事似遜
他邦宋元以來局束時趨皇明初這益復參

寥世宗御宇文運漸融風雅駸駸復還正始顧叔孫
紉蕝間襍秦儀徐偃王師終慙周德恢擴前基責在

後死人骨已朽畧舉
隅意氣方新請俟論定

祭酒高濂

祭酒初為吉水令拔羅洪先於諸生可稱具
歸門無襍客

世稱高濂

二谷前承

侯方伯一元少負奇質學復廣涉文筆雋古
詩格翩翩諸體具稱蓋至是吾郡文知有漢

詩知有選有盛唐實此君為之前茅所著有
二谷山人集厥弟一麀紉餘緒亦自斐然

二谷一代之傑

獨運迥絕流輩一代之傑也公為人謙
抑獨于藝林無所推讓似于楊用修折節讀升菴集

詩曰展卷紛詰奇子雲定不死行行窮副墨好去入
疑始又送人之滇曰滇南流寓不堪聞寂寞邊

陞老子雲君到定知頻屣屣為傳芭也好 文

議論大可探

二谷論曰漢魏為三百篇者也不至焉以
為漢魏而晉宋其靡也唐人為漢魏者也

不至焉以為唐而近代其靡也雖聲律世降而性術
之動一焉乃若晉宋綺靡殆將滅質而近代論議學

問之詩又并其文失之奇亡不亦宜乎 又曰漢魏
近古典型猶存至六朝始變其言曰詩緣性情而綺

靡夫以綺靡綴性情詩亡已子昂感遇力振頹風律
絕既起盛唐賞自然而微傷流麗以視古製猶醴齊

之于元酒所不能者元淡也醇則不媿故古詩祖漢
魏近體宗盛唐不易之準也六朝最工者莫如靈運

至精感夢寐以爲神者曰沈塘生春草乃知六朝諸君未嘗不貴自然其論文曰白石蔡子曰學者鄙夷唐宋高眺奈漢其所爲文至者古人所嘗言也其未至者如優孟效敖愈似愈可笑者昔韓蘓諸公瑰才好古當倍蓰于今人卒乃自成一學故學古者未有善于韓蘓者也余三嘆其言此猶曾子畏子路曾西薄管仲惡似而非者誠得古人至精肆爲文詞渾樸雅厚而勿守其糟粕則管仲之功何必見棄于仲尼而乃捐匡合之隆取治賦之小哉已上議論大可採

王拱甫有名士風

王貢士所著正情集古樸雅素但邊幅稍窘諸名詩家甚重之門庭蕭寂

王憲使父子兄弟之盛

嘉隆以來王憲使叔果敦素嗜學淳古君子也厥弟參政公叔

杲負經濟才厥子郡丞公光蘊垂清白聲一門父子兄弟並有文集當世名家序述彰彰盛矣

康山人足重

康山人從理字裕卿遊游兩都聲名籍甚所著二雁集止獵三唐未窺六代故酬應

頤工寄與甚淺其人負俠任真雖名動公卿而家徒四壁故足重也同時布衣有張昂洪孝先周才甫俱以詩名俱有集胡元瑞曰康裕卿詩尤長五體七言律閱壯豪麗翩翩布衣之雄爲人爽朗俠烈片言可寄死生兩地那皆酷重之今尤不易得也

劉忠甫古體矯勁有氣

劉揮使懋功字忠甫恥列武弁寄懷藝苑才頗老蒼古體歌行

矯勁有氣予嘗愛其一聯于慙談舊事人莫問初心

朱章佳致

樂成前輩有朱諫太守章元梅縣尹二君家傍雁山挂冠後往來酬唱頗有生致朱才敏

給注李詩及辨疑等錄雖未厭衆口亦畧見雅尚于峯尤清貧嗜酒有陶公風爲湖口令時有一絕云霏霏細雨濕烏紗十里長亭近酒家半醉倩人扶上馬短鞭敲落碧桃花

李後峯律詩頗工

李山人經敕號後峯律詩頗工其稱佳者園林變色櫻桃熟時序無言燕

歸子

趙含清操

澗邊老人趙含為諸生有清操王祭酒子揚極重之其五言有家徒四壁立書有五車餘

又鶴饑開柵早燕乳捲簾高又暮春一絕云忽看青鏡恨無窮歲月愁歸綠鬢中欲典春衫成一醉悄寒

猶有棟花風

雨川工詩

高干下邱一龍號雨川工詩余猶愛其一天

龍未覺坐移松照鶴歸遲

去四字非水心意

水心作汪參政墓志有曰左右執政共持國論參政蓋與秦檜同時者汪

之孫為浙東憲綱不平之請改水心不許答曰檜時執政其未有言其善者以先公厚德故勉為之自謂

已極稱揚猶以為未足即水心死後刊文集者為除去左右執政四字非水心意也

可謂知幾君子

趙忠定令水心草詔序所以立嘉王之

定不敢用易之水心云禍將作矣立君大事不明言其故必有小人造謗與讒以禍諸君者竟不言功隨

即夫國夫幾韓侂胄果誣忠定貶死水心不受賞亦不受禍可謂知幾君子

關尹子宜補志缺

關尹子九篇徐藏得之永嘉孫定宋景濂以為即定偽撰果爾則吾邑藝

文此宜第一而孫定學識不允居然可見宜補志缺

溫州府志卷之三十一終

溫州府志 附捐 姓氏

永嘉縣例貢

趙時璠 由廩生捐 林翎鷺 由廩生捐 陳葉純 徐璠

婁欽武 馬儒謨 胡應彪 馬世俊

詹嘉凱 林鍾 王標瑜 周振簡

邵承治 婁炳燮 何鍾祥 陳元福

金繼登 周肇基 邵志蕃 陳士煥

汪從顯 翁蔭說 潘璉 陳士煦

陳錫佩 陳遇暹 董繼昌 龔宗鼎

任兆霈 章伸桂 朱光澧 周鎬南

鄭倫五

孫璧士

孫士占

蔡應桂

陳有光

林宗洛

王元秀

周世壘

王世錦

蔡昌耀

朱光旭

由廩生捐

高朝選

王崇勳

由廩生捐

劉宗樂

樂清縣例貢

續刻

候選州同鄭世洙

增捐例貢李國越

例貢鄭 棧

監生高宏道

例貢高式謙

增捐例貢高宏凱

生員鄭 滙

生員趙永齡

例貢高 曜子增捐例貢宏業

監生趙夢齡

候選縣丞鄭奇斌子例貢昌阜

監生蔡宏業

監生梁 梓

生員鄭鴻涵 增捐

例貢趙總璫

候選州同倪世德

例貢黃應運 由附生

温州府志

附捐輸姓氏

樂清縣

各紳士及庶民

捐輸姓氏

明歲貢授華亭知縣高宮裔孫

明刑部尚書高友璣諡襄簡裔孫

明舉人授澂江府太守高廷紳裔孫

明恩蔭德府左長史高廷愉裔孫

明選貢任鳳翔知州陳尚瑀

例貢王之教

例貢高曜子宏業

例貢高宏凱

例貢楊光春

例貢黃桃春

例貢金輝

例貢金君元

例貢支德光

例貢施元正

例貢倪世開

例貢董其楠

例貢施臣禧

例貢倪鰲

例貢金志亮

例貢趙聰銳

歲貢金元勳裔孫

例貢王作聖

生員徐講學

生員葉璽

生員林鳴鳳

生員趙琳球

生員高式裕

生員趙貽轍

生員金 蘭

生員陳洪濬

生員林芳乘

生員鄭鴻涵

生員陳丕秀

生員徐禹欽

生員鄭光春

故生員朱 樸

生員張國幹

生員陳光顯

生員陳子止

生員王張電

生員周景邛

生員王夢鰲

生員姚芳春

生員高攀龍

生員高國俊

生員陳 雄

生員支德燮

生員趙 斌

生員葉命恭

生員李春芝

生員王瑞煙

生員陳殿金

生員施澄

監生周光淇

監生李崇全

監生吳茂珏

監生吳宗日

監生朱廷桂

監生谷應祥

監生林時年

監生程隆

監生潘金璽

監生林時梓

監生林時標

監生林文桂

監生林時敬

監生倪世鳳

監生金文桂

監生金福遠

監生方禹浩

監生方平璽

監生劉登清

監生吳世超

監生王時璣

監生趙紀衛

監生支壽貴

監生葉錢桂

監生潘鳴鸞

監生李瑞雲

監生董沛霖

監生董茂松

監生金士景

監生張聯芳

監生葉尚點

監生施疇

監生林時龍

監生徐秀攀

監生黃道贊

監生徐景瑤

監生錢元梅

監生錢紀位

監生葉秉域

監生葉起元

監生侯德奇

監生王萬春

監生林家榮

監生趙總森

監生趙總韜

温州府志

附錄 輸

瑞安縣秦

各紳士捐輸姓氏

鮑鴻桂

鮑錫齡

吳天成

沈承芳

徐洪

胡之棟

胡紹薪

楊光謙

蔣國瑞

戴聖

戴高

楊時鑑

季殿英

陳士銓

胡士霖

姜作霖

胡憲章

陳應震

林宗賢

趙皜

林藩

曹夢錦

余聯甲

蔣匡國

胡時占

謝聘

謝賚

繆口華

李光斗

胡正

趙加言

趙光址

鍾 璠

李 盛

曹朝鰲

方 書

鮑熊詔

陳元楷

姜文勳

虞起濬

錢 澗

劉師賢

陳繼實

徐聖智

朱象南

周任內各屬民

捐輸姓氏

陳繼日

姜時濬

鄭光斗

陳于子

姜之基

姜上觀

姜之旭

徐尚綱

徐志遠

虞繼紹

錢 棠

余大成

陳振興

陳步青

季英元

葉成序

瑞安縣捐輸姓氏

續增

鮑鳳聲

胡崑璋

胡鴻儒

胡煥章

沈宗采

何紹新

余瑞彪

林春芳

温州府志 附捐輸姓氏

平陽縣

各例貢捐輸姓氏

游起洲

鍾陳發

姜曾浚

姜朝勳

周之蔭

金魁廷

吳大成

林鴻璧

董沛

倪式豪

黃維雲

宋綱

游朝紱

陳元輔

伍文儒

陳士游

孫永泰

章元李

葉正春

洪國棟

顧昌宗

蘇迥

葉榮芬

施士溟

朱策

周廷望

尤鍾秀

黄大中

林起鳳

王寵

吳維新

黃維芳

朱符

宋賢

吳榮鰲

吳榮照

楊榮

楊陳猷

林季韶

朱式龍

鄭景命

蔡士朝

吳國勳

陳久

謝士朗

黃維雅

黃宗銳

施士江

游朝語

鄭錫琉

陳際

吳進榮

王帝錫

鄭永年

黃維詰

溫懋瑜

陳光龍

游朝陞

趙青錢

施士演

李公揚

鄭斐

鄭錫璜

陳國秀

宋之瑞

吳榮烈

陳上科

溫州府志

卷三十一

三十一

溫州府志

卷三十一

平陽

捐輸

四

陳琰

游際亨

潘榮桂

鄭裴

陳光龍

周國鑄

黃宗棟

温州府志

附錄

輸

泰順縣

各紳

士捐輸姓氏

恩貢潘

聖

歲貢周京洛

歲貢林紹昌

例貢張

平

例貢林夢羈

例貢潘學英

例貢吳

寶

例貢周啟邠

例貢朱時啟

監生劉

炎

縣丞高琰

監生董紹麟

監生梅

鑑

監生梅睿

監生陸夢朝

監生徐

仁

監生董士德

監生王世元

監生林

侯

監生季國珍

監生何廷弼

監生林

穆

監生陶守鰲

監生陶成潤

監生林三魁

監生林惟庚

監生祝升

廩生梅鼎

廩生潘宏聰

廩生董紹唐

廩生周王鰲

廩生饒世俊

廩生曾啟賢

增生陶至輝

生員王盛平

生員潘琳

生員吳志會

饒廷球

生員龔超掄

歲貢夏夢甲

增生王盛姬

廩生王盛豐

監生潘宏珠

生員胡期祖

貢生林懷祖

生員高

監生陶金鰲

生員夏光孝

監生曾

廩生周全鈺

生員饒德舜

生員林

生員楊文璧

生員劉德裕

監生毛天槐

民人夏時卿

民人夏震卿


監生陶立勝

監生夏念祖

童生夏敷

卷之三
附錄

盥坐立類	盥坐真念類	童坐夏類
盥坐手天類	另人夏和類	另人夏靈類



三才圖會

卷三十一

附錄